



Нүсхә шакли

Ноқтә кәлиби

№ 230

« 14 » апрель 2017 й.ж

**Ўзбекистон Республикаси Вазирлар Маҳкамасининг 2017 йил
10 апрелдаги “Ўзбекистон Республикаси ҳудудларида ишсиз
фуқароларни касб-хунарга ўқитиш марказларини ташкил этиш чора-
тадбирлари тўғрисида”ги 199-сонли қарори ҳақида**

Ишсиз фуқароларни касб-хунарга қайта тайёрлашни самарали ташкил этиш ҳамда меҳнат бозорида талаб юқори бўлган янги касб-хунар ва мутахассисликларига эга бўлиш учун уларга тегишли шарт-шароитлар яратиш мақсадида, Қорақалпоғистон Республикаси Вазирлар Кенгаши **қарор қилади:**

1. Ўзбекистон Республикаси Вазирлар Маҳкамасининг 2017 йил 10 апрелдаги “Ўзбекистон Республикаси ҳудудларида ишсиз фуқароларни касб-хунарга ўқитиш марказларини ташкил этиш чора-тадбирлари тўғрисида”ги 199-сонли қарори ижро учун раҳбарликка олисин.

2. Ўзбекистон Республикаси Вазирлар Маҳкамасининг мазкур қарори билан:

а) Вазирлар Маҳкамасининг тегишли қарорларини бажариш доирасида қуйидагилар:

Тошкент ва Самарқанд шаҳарларида ишсиз фуқароларни, шу жумладан таълим муассасалари битирувчиларини қайта тайёрлаш ва уларнинг малакасини ошириш бўйича касб-хунарга ўқитиш марказлари ташкил этилганлиги ва самарали фаолият юритаётганлиги;

“Шаҳрисабз шаҳрида касб-хунарга ўқитиш марказини ташкил этиш ва Ўзбекистонда касб-хунарга ўқитиш салоҳиятини ошириш бўйича консалтинг” лойиҳаси амалга оширилаётганлиги маълумот учун қабул қилинганлиги;

б) 2017-2020 йиллар даврида республика ҳудудларида ишсиз фуқароларни касб-хунарга ўқитиш марказларини босқичма-босқич ташкил этиш бўйича чора-тадбирлар дастури (кейинги ўринларда чора-тадбирлар дастури деб аталади) 1-иловага мувофиқ маъқуллашганлиги;

в) Ўзбекистон Республикаси Меҳнат вазирлигига, Ташқи иқтисодий алоқалар, инвестициялар ва савдо вазирлигига ва Ташқи ишлар вазирлигига:

Ўзбекистон Республикасининг халқаро молия ташкилотларидаги бошқарув офислари, Иқтисодий вазирлиги, Молия вазирлиги ҳамда Олий ва ўрта махсус таълим вазирлигининг Ўрта махсус, касб-хунар таълими маркази билан биргаликда, маъқуллашган Чора-тадбирлар дастури доирасида 2017-2020 йиллар даврида ишсиз фуқароларни касб-хунарга ўқитиш марказлари ташкил этишни (кейинги ўринларда ташкил этилаётган марказлар деб аталади) молиялаштириш учун донор мамлакатлар ва халқаро молия ташкилотларнинг грантлари ва имтиёзли кредитларни жалб этиш масалаларини тизимли асосда ишлаб чиқишни белгиланган тартибда ташкил этиш;

ишланмалар натижалари бўйича, навбатаги йил назарда тутилган марказлар ташкил этишни молиялаштиришнинг тасдиқланган аниқ манбалари бўйича ҳар йили Ўзбекистон Республикаси Вазирлар Маҳкамасига таклифлар киритиш топширилганлиги;

г) чора-тадбирлар дастурини амалга ошириш билан боғлиқ харажатларни молиялаштириш:

ташкил этилаётган марказларни қуриш ва жиҳозлаш бўйича донор мамлакатлар ва халқаро молия ташкилотларнинг грантлари ва имтиёзли кредитлари (кейинги ўринларда грантлар ва имтиёзли кредитлар деб аталади) ҳисобидан;

ушбу қарорнинг 6-бандига асосан берилаётган объектларни реконструкция қилиш, мукамал таъмирлаш ва жиҳозлаш, шу жумладан уларни сақлаш бўйича - Ўзбекистон Республикаси Бандликка кўмаклашиш давлат жамғармаси (кейинги ўринларда Бандликка кўмаклашиш жамғармаси деб аталади) маблағлари ҳисобидан;

импорт қилинадиган ўқув-лаборатория асбоб-ускуналарини ва моддий ресурсларни Ўзбекистон Республикаси ҳудудида сақлаш, расмийлаштириш ва ташиш бўйича - Бандликка кўмаклашиш жамғармаси маблағлари ҳисобидан;

чора-тадбирлар дастури доирасида объектларни қуриш учун лойиҳа-смета ҳужжатларини тайёрлаш бўйича - Қорақалпоғистон Республикаси шаҳар ва туманларнинг тегишли бюджетларнинг қўшимча манбалари, қонунчиликда таққисланмаган бошқа манбалар ҳисобидан амалга оширилиши;

д) қуйидагилар:

Бандликка кўмаклашиш жамғармаси маблағлари ҳисобига ташкил этиладиган марказлар объектлари бўйича буюртмачилар Қорақалпоғистон

Республикаси Вазирлар Кенгаши ва вилоятлар ҳоққи қарорлари ҳузуридаги “Ягона буюртмачи хизмати” инжиниринг компаниялари ҳисобланиши;

грантлар ва имтиёзли кредитлар ҳисобига ташкил этиладиган марказлар объектлари бўйича буюртмачилар Ўзбекистон Республикаси Ҳукумати ва хорижий давлатлар ёки халқаро молия ташкилотлари ўртасида имзоланадиган битимларга мувофиқ, ҳар бир объект бўйича алоҳида аниқланиши;

лойиҳачи ва пудратчи ташкилотлар – белгиланган тартибда аниқланиши;

е) Қорақалпоғистон Республикаси Вазирлар Кенгаши ва вилоятлар ҳокимликларига:

ташкил этиладиган марказлар ишларини ташкил қилишга доир талабларга жавоб берадиган бинолар, иншоотларнинг тезкор бошқарув ҳуқуқи билан берилишини;

зарурат бўлганда, грантлар ва имтиёзли кредитларни жалб этган ҳолда ташкил этиладиган марказлар учун янги бинолар қуришга ер майдонлари ажратилишини;

Ўзбекистон Республикаси Давлат архитектура ва қурилиш қўмитаси билан биргаликда марказларга уларнинг фаолиятини ташкил этиш учун бериладиган объектлар бўйича қуриш ва реконструкция қилишга оид техник топшириқлар ва лойиҳа-смета ҳужжатларини ишлаб чиқишда оптимал лойиҳавий ва техник ечимлар қўлланишини таъминлаш топширилганлиги;

ё) Ўзбекистон Республикаси Давлат архитектура ва қурилиш қўмитасига ташкил этилаётган марказлар объектлари бўйича лойиҳа-смета ҳужжатларининг давлат экспертизасидан ўтказилишини ва қурилиш монтаж ишларининг сифати юзасидан давлат архитектура-қурилиш назорати амалга оширилишини белгиланган тартибда таъминлаш топширилганлиги;

ж) қуйидагилар:

ишсиз фуқароларнинг касб-хунарга ўқитиш марказларининг намунавий тузилмаси 2-иловага;

ишсиз фуқароларни касб-хунарга ўқитиш марказларида касб-хунарга қайта тайёрланганлиги ва малакасини оширганлиги тўғрисидаги дипломнинг ҳамда қисқа муддатли курсларни ўтаганлиги тўғрисидаги сертификатнинг давлат намуналаридаги шакллари 3 ва 4-иловаларга мувофиқ тасдиқланганлиги;

ташкил этилаётган марказлар давлат таълим муассасалари ҳисобланиши ва бевосита Ўзбекистон Республикаси Меҳнат вазирлигига бўйсиниши, уларнинг фаолиятига умумий ўқув-методик раҳбарлик қилиш эса-

Ўзбекистон Республикаси Олий ва ўрта махсус таълим вазирлигининг Ўрта махсус, касб-хунарга таълими марказига юклангани белгилаб қўйилганлиги;

з) қуйидагилар ташкил этилаётган марказларнинг асосий вазифалари этиб белгиланганлиги:

ўрта махсус, касб-хунарга таълим олишга эга бўлган ишсиз ва вақтинча банд бўлмаган, шу жумладан доимий ишга эга бўлмаган шахсларни меҳнат бозорида талаб юқори бўлган мутахассислик ва касблар бўйича -1 йилгача бўлган муддатда касб-хунарга бепул қайта тайёрлаш ва малакасини ошириш;

меҳнат органлари ишсиз сифатида рўйхатдан ўтмаган, иш излаётган шахсларни, шунингдек иш берувчиларнинг буюртманомалари бўйича-ходимларни, ҳар йили ўқишга олинмаганлар сонининг 15 фоизидан ортиқ бўлмаган ҳажмда, меҳнат бозорида талаб юқори бўлган мутахассисликлар ва касб-хунарга бўйича тўлов асосида қисқа муддатли ўқитишни ташкил этиши;

и) Ўзбекистон Республикаси Меҳнат вазирлигига ҳамда Молия вазирлигининг:

ташкил этилаётган марказларнинг ўқитувчи ва ўқув-ёрдამчи ходимларнинг лавозим маошларига Бандликка кўмаклашиш жамғармаси маблағларидан тўланадиган 40 фоизгача миқдорида доимий устама белгилаш тўғрисидаги;

ташкил этилаётган марказларнинг пули, қисқа муддатли курслар ташкил этиш фаолиятидан ва қонун ҳужжатларида тақиқланмаган бошқа манбалардан тушадиган маблағлар ҳисобига шакллантириладиган, ушбу марказларнинг моддий-техник ривожлантириш ва ходимларини моддий рағбатлантириш жамғармасини (кейинги ўринларда ривожлантириш жамғармаси деб аталади) ташкил этиш тўғрисидаги таклифларига розилик берилганлиги;

й) Ўзбекистон Республикаси Меҳнат вазирлигига белгиланган тартибда, Чора-тадбирлар дастури доирасида марказлар ташкил этилишига кўра белгиланган тартибда:

Ўзбекистон Республикаси Олий ва ўрта махсус таълим вазирлигининг Ўрта махсус, касб-хунарга таълими маркази билан биргаликда-марказлар уставини ва улар ишида қўлланадиган зарур ўқув-методик дастурлар ва материалларни, шунингдек ўрта махсус, касб-хунарга таълими тизими таълим муассасаларининг белгиланган педагогик ва ўқув-ишлаб чиқариш юктамаларидан келиб чиққан ҳолда марказларнинг штат жадвалларини;

ривожлантириш жамғармасига йўналтирилган фойда нормативини белгилашни ҳисобга олган ҳолда, ривожлантириш жамғармаси маблағларини

шакллантириш ва сарфлаш тартиби тўғрисидаги низомнинг унда қисқа муддатли ўқитиш бўйича пулли хизматлар кийматини белгилаш тартибини назарда тутиб ишлаб чиқилишини ва тасдиқланишини таъминлаш;

ташкил этилаётган марказларнинг раҳбарлари, ўқитувчилари, усталари ва бошқа ходимлари меҳнатга касб-хунар коллежларининг тегишли лавозимлари учун белгиланган базавий тариф ставкалари татбиқ этилиши;

белгиланган тартибда ишсиз деб эътироф этилган шахслар жумласидан бўлган ўқувчиларга ташкил этилаётган марказларда бевоқифа бепул ўқиётган даврида Бандликка кўмаклашиш жамғармасида ушбу мақсадлар учун назарда тутилган маблағлар ҳисобидан, қонун ҳужжатларида белгиланган энг кам ойлик ҳақининг бир баравари миқдоридан, 6 ойдан кўп бўлмаган муддат мобайнида стипендия тўланиши;

ташкilotлар ўқувчиларнинг ишлаб чиқариш амалиётини ўташ даврида уларга ишлаб чиқариш амалиёти дастурларига мувофиқ уларнинг ишлаб чиқариш фаолиятини таъминлайдиган ҳақ тўланадиган иш жойлари бериш ҳуқуқига эга эканлиги **белгилаб қўйилганлиги**;

к) “Ўзбекистон темир йўллари” АЖга чора-тадбирлар дастури доирасида ташкил этилаётган марказларни қуриш ва жиҳозлаш учун Ўзбекистон Республикаси ҳудудига четдан олиб келинадиган товарларни темир йўл станцияларида сақлаш ва юклаш-тушириш ишларининг тўлов ундирмасдан бажарилишини таъминлаш топширилганлиги;

л) Ўзбекистон Республикаси Ташқи ишлар вазирлигига Меҳнат вазирлигининг буюртманомаларига биноан, Чора-тадбирлар дастурида назарда тутилган марказларни ташкил этиш бўйича лойиҳаларни амалга оширишда қатнашадиган хорижий мутахассисларга кўп марталик кириш визаларининг консуллик ва бошқа йиғимларни ундирмасдан расмийлаштирилишини белгиланган тартибда таъминлаш топширилганлиги;

м) Ўзбекистон Республикаси Ички ишлар вазирлигига Меҳнат вазирлигининг буюртманомаларига биноан, Чора-тадбирлар дастурида назарда тутилган марказларни ташкил этиш бўйича лойиҳаларни амалга оширишда қатнашадиган хорижий мутахассисларга кўп марталик кириш визалари берилишини ва уларнинг муддати узайтирилишини, шунингдек уларнинг яшаш жойларида вақтинча пропискага қўйилишини ва вақтинча прописка муддати узайтирилишини давлат божлари ундирмасдан белгиланган тартибда таъминлаш топширилганлиги;

н) Ўзбекистон Республикаси Меҳнат вазирлигига:

ишсиз фуқароларни касб-хунарга ўқитиш марказларида ўқишга қабул қилиш, касб-хунарга ўқиш тартиби тўғрисидаги низомлар лойиҳаларини

тасдиқлаш) 14 уч ой муддатда Ўзбекистон Республикаси Вазирлар Маҳкамасига киритиш;

Чора-тадбирлар дастурида назарда тутилган ташкил этиш бўйича лойиҳаларни амалга оширишда қатнашувчи юқори малакали хорижий мутахассисларни (Ўзбекистон Республикаси фуқаролари орасида мавжуд бўлмаганда) Ўзбекистон Республикасига жалб этишга рухсатномалар берилишини (муддат узайтирилишини), шунингдек кўрсатиб ўтилган хорижий фуқароларга Ўзбекистон Республикаси ҳудудига меҳнат фаолиятини амалга ошириш ҳуқуқига тасдиқномалар берилишини (муддати узайтирилишини) белгиланган тартибда таъминлаш топширилганлиги;

о) Ўзбекистон Республикаси Ҳукуматининг 5-иловага мувофиқ айрим қарорларига ўзгартиришлар киритилганлиги;

п) Ўзбекистон Республикаси Меҳнат вазирлиги манфаатдор вазирликлар ва идоралар билан биргаликда ўзлари қабул қилган идоравий норматив-ҳуқуқий ҳужжатларни бир ой муддатда ушбу қарорга мувофиқлаштириш топширилганлиги маълумот учун қабул қилинсин.

3. Нукус шаҳар ҳокимлиги (Ж.Опаев):

Ташкил этиладиган марказ ишларини ташкил қилишга доир талабларга жавоб берадиган бино, ишшоотнинг тезкор бошқарув ҳуқуқи билан берилишини;

зарурат бўлганда, грантлар ва имтиёзли кредитларни жалб этган ҳолда ташкил этиладиган марказ учун янги бино қуришга ер майдани ажратилишини;

Қорақалпоғистон Республикаси Давлат архитектура ва қурилиш қўмитаси (А.Турумбаев) билан биргаликда марказга унинг фаолиятини ташкил этиш учун бериладиган объектлар бўйича қуриш ва реконструкция қилишга оид техник топшириқлар ва лойиҳа-смета ҳужжатларини ишлаб чиқишда оптимал лойиҳавий ечимлар қўлланишини таъминласин.

4. Қорақалпоғистон Республикаси Меҳнат вазирлиги (У.Сабуrow), Хусусийлаштириш, монополиядан чиқариш ва рақобатни ривожлантириш қўмитаси (А.Қайрадинов), Ўрта-маҳсул касб-хунар таълими бошқармаси (А.Аяпов), Нукус шаҳар ҳокимлиги (Ж.Опаев) 1 ой муддатда ташкил этиладиган марказ учун бўш турган иморатларни ўрганиб чиқиб Қорақалпоғистон Республикаси Вазирлар Кенгашига тегишли таклиф киритсинлар.

5. Қорақалпоғистон Республикаси Меҳнат вазирлиги (У.Сабуrow) манфаатдор вазирликлар ва идоралар билан биргаликда ўзлари қабул қилган

ндоровий норматив-ҳуқуқий ҳужжатларни бир ой м. датда ушбу қарорга мувофиқлаштирсин.

6. Мазкур қарорнинг бажарилишини назорат қилиш Қорақалпоғистон Республикаси Вазирлар Кенгаши Раисининг Биринчи ўринбосари М.Содиқов зиммасига юклансин.

**Қорақалпоғистон Республикаси
Вазирлар Кенгашининг Раиси**



Қ. Сариев